



Nota de Entendimentu

Kooperasaun Servisu Entre Centro Nacional Chega! I.P ho Conselho De Imprensa

Ba Diseminaun Informasaun Kona-ba Chega! no Promove Direitus Umanus

Selebra entre :

Centro Nacional *Chega! I.P. Da Memória À Esperança* (CNC), ne'ebé reprezenta husi Señor Hugo Maria Fernandes hó knar nudár Diretór Ezekutivu Centro Nacional *Chega!* hó ninia servisu-fatin iha Antigo Comarca, iha Avenida de Balide-Díli, tuir mai temi halo **PARTE DAHULUK**

hó

Konsellu Imprensa (CI), ne'ebé reprezenta bá atu solene ida ne'e husi Señor Virgílio da Silva Guterres ho knar nudár Prezidente Conselho de Imprensa de Timor-Leste, hó ninia servisu-fatin iha Rua Mascarenhas, Díli-Timor Leste tuir mai temi halo **PARTE DARUAK**

PARTE DAHULUK no PARTE DARUAK sei temi nudar PARTE SIRA, uluk liu sei esklarese pontu sira tuir mai neé:

1. Katak **PARTE DAHULUK** núdar Institutu Públiku ida hala'o funsaun tuir nia misaun nó atribuisaun sira mak hanesan : promove direitus humanus liuhusi edukasaun, memorializasaun nó jestu solidariedade nian bá sobrevivente vulnerável sira ne'ebé hakerek iha Dekretu-Lei n.º 48/2016, de 14 de dezembru, Artigu 5.º : Atribuisoens, espesifikamente husi alínea a), e) conjuga hó Artigu 6.º : Kompetênsias, espesifikamente temi iha alíneas b), d) hó k) husi legislasaun ida ne'e duni, ne'ebé aprova Estatuto husi Centro Nacional *Chega! I.P. Da Memória À Esperança*.
2. Katak **PARTE DARUAK**, Conselho de Imprensa de Timor leste (CI-TL) ne'ebe estabelecidu hanesan Instituisaun Independente ho nia objetivu prinsipál atu promove liberdade expresaun no imprensa inklui asegura atividade jornalística ho professionalism nomós respeito diak liu tan padraun étika no qualidade.
3. Katak **PARTE SIRA** hó kompetênsia ne'ebé mak haraik bá sira ida-idak, iha espírito hanesan atu implementa rekomendasaun sira husi Relatório *Chega!*, nó mós Relatório *Per Memoriam Ad Spem* ne'ebé iha ligasaun hó política iha área deziminsan informasaun no Advokasia;
4. Katak **PARTE SIRA** ida-idak iha kapasidade atu fó tulun bá Nota Entendimentu ida ne'e, atu nune'e bele fó benefísiu bá-malu hodi alkansa PARTE SIRA nia política nó planu estratéjiku iha área sira temi ona iha leten

Hó baze bá pontu-sira temi iha leten, PARTE SIRA aseita atu asina nó implementa Nota Entendimentu ida ne'e konaba dezeminaun informasan kona-ba rekomendasaun *Chega!*, promove direitus umanus, promove liberdade expresaun no liberdade imprensa meius komunikaun sosial bazeia ba prinsipiu direitus umanus.

Handwritten signature and blue ink mark.

Artigu 1^o
INTENSAUN NO OBJETIVU

1. Nota Entendimentu ida ne'e halo hó intensaun atu utiliza rekursu husi PARTE SIRA, nune'e bele implementa atividade sira haktuir relatoriu Chega! no relatoriu Per Memoriam Ad Spem;
2. Objetivu koopersaun servisu ida ne'e mak hanesan tuir mai:
 - a. Halo disseminasaun relatóriu Chega! liu husi publikasaun media sira ne'ebé mak refleta ba pás, direitos umanus no relatóriu Chega!;
 - b. Hasa'e kapasidade jornalista sira nian iha área direitos umanus no promosaun ba pás regularmente
 - c. Promove pás, liberdade espresaun no liberdade imprensa liu husi publikasaun media bazeia bazeia prinsipiu direitos umanus;
 - d. Implementa rekomendasaun Chega!, espesifikamente kona-ba oferese prémiu ba jornalista sira ne'ebé iha kapasidade hakerek di'ak hodi promove pás;
 - e. Hala'o monitorizasaun conjunta ba publikasaun husi media sira ne'ebé mak promove pas no proteze direitos umanus.

Artigu 2^o
AREA KOOPERASAUN

1. **PARTE SIRA** servisu hamutuk dezenvolve materia kona-ba pás no direitos umanus nune'e uza materia ida ne'e hodi halo treinamentu ba jornalista sira, antes sira hakerek kona-ba asunto pás no direitos umanus liga ho relatóriu Chega!
2. **PARTE SIRA** servisu hamutuk halo monitorizasaun ba publikasaun sira ne'ebe Jornalista sira halo hodi haree konteúdu publikasaun sira refleta ba pás no direitos Umanus liga ho relatóriu Chega!
3. **PARTE SIRA** servisu hamutuk estabelese ekipa ida hodi halo avaliasaun ba publikasaun husi jornalista sira ne'ebé mak sira nia publikasaun refleta ona pás, respeito ba direitos umanus liga ho relatóriu Chega!
4. **PARTE SIRA** koopera hamutuk halo anúnsiu ba publikasaun jornalista nian sira ne'ebé mak konsidera nudar nutisia ne'ebe mak fo sintidu konaba harii paz no promove direitos umanus no hamutuk hodi organiza serimonia entrega prémiu ba manan na'in sira iha loron Aniversariu Relatóriu Chega!

Artigu 3^o
IMPLEMENTASAUN

1. PARTE SIRA aseita atu implementa programa bazeia ba Nota Entendimentu ida ne'e liu husi akordu servisu nian bazeia bá PARTE SIRA nia Planu Asaun.
2. PARTE SIRA aseita katak akordu kooperaun ne'ebé temi iha pontu sira husi artigu ida ne'e, sai núdar parte ida tomak ne'ebé lá bele fahe husi Nota Entendimentu ida ne'e;

Artigu 4^o
FINANSIAMENTU

Nesiedade finanseira hotu-hotu bá implementasaun husi Nota Entendimentu ida ne'e, sai nudár enkargu iha PARTE SIRA nia responsabilidade no bele mós mai husi fonte finansiamentu seluk ne'ebé legal liu husi formulaun téknika tuir proposta ne'ebé PARTE SIRA halo hamutuk.



Artigu 5^o
DURASAUN TEMPU

1. Nota Entendimentu ida ne'e válda durante tinan tolu (3) nia laran, hahú husi data ne'ebé parte sira asina nota entendimentu;
2. Wainhira PARTE SELUK hakarak muda, hanaruk no/ka hakotu tenki ho akordu eskrita hosi PARTE SIRA;
3. Ajustamentu no/eh mudansa ba Nota entendimentu ida ne'e halo ho fo atensaun nafatin ba pontus no prinsipiu sira neébe konkorda tiha ona entre PARTE SIRA;
4. Wainhira Parte ida husi PARTE SIRA hakarak muda, hanaruk no/eh hakotu nota entendimentu ida ne'e, maka Parte interesadu iha obrigasaun atu fó notifikasaun tarde liu iha loron 30 nia laran.

ARTIGU 6^o
MONITORIZASAUN NO AVALIASAUN

Monitorizasaun no avaliasaun ba nota entendimentu ida ne'e halao periodikamente hosi PARTE SIRA minimu iha tinan 1 nia laran no bainhira nesesariu.

ARTIGU 7^o
REMATA

1. Nota Entendimentu ida ne'e remata ou nulo bainhira iha lejislasaun eh Politika Governu PARTE SIRA neébe la fo dalan ba implementasaun nota intendimentu ida ne'e;
2. Nota Entendimentu ida ne'e halo iha kopia 2 ho lian Tetum no asina hosi PARTE SIRA no mós sai baze legál hodi kesi PARTE SIRA.

Díli, 20 Dezembru 2019

PARTE DAHULUK


Hugo Maria Fernandes
Diretór Ezekutivu Centro Nacional Chega! I.P

PARTE DARUAK


Virgílio da Silva Guterres
Prezidente Conselho de Imprensa